

後漢書疏證

後漢書疏證卷十六

吳 沈欽韓撰

陳留郡

魏志陳留爲國元和志彭城亦有留此留屬陳故稱陳留

陳留

元和志汴州陳留縣本漢陳留縣地震宇記小陳留城在開封府陳留縣南三里晉太康地記云陳留先有陳留縣以北有大城故此號小陳留

此亦沛國小沛之例水經注汜

水東逕陳留縣之鉞鄉亭北

按晉紀永嘉四年王浚將王申始攻劉曜王彌于瓶

壘破之應
卽是鉗鄉

睢水東逕高陽故亭北有漢廣野君廟碑延熹六年雍丘令董生命縣人長照爲文陳留風俗傳曰酈氏居于高陽

浚儀

元和志汴州浚儀縣漢舊縣寰宇記故浚儀城二一在縣東三十里一在縣北四里水經注汴水出陰溝于浚儀縣北注陰溝卽蕞蕩渠也亦言汴受旃然水于大梁北又曰浚水汴沙到浚儀而分
汴東注沙南流汴水東逕倉垣城卽浚儀縣之倉垣亭也倉垣蓬陂唐以後俱屬開封縣寰宇記倉垣在開封縣東北二十里城臨汴水陳留相畢邈治此征東將軍荀晞之西也爲曹嶷所

時敗逸走歸京晞使司馬東萊王讚代據倉垣斷留運漕

通鑑永嘉三年詔車騎將軍王湛北中郎將裴憲討石

勒勒引兵還拒之王湛退保倉垣四年拔倉垣殺王湛

五年荀晞據倉垣表請遷都倉垣及洛陽陷豫章王端

東奔倉垣

載記勒圍陳留太守王讚于倉垣爲讚所敗退屯文石津

永和八年殷浩

北伐屯泗口遣河南太守戴施據石門

祭陽石門

祭陽太守

劉遜據倉垣太興二年蓬陂塢主陳川自稱陳留太守

祖逖之攻樊雅也川遣其將李頭助之頭力戰有功逖

厚遇之

祖逖傳逖時獲雅駿馬頭甚欲之而不

敢言逖知其意遂與之頭感逖恩遇頭每歎

曰得此人爲主吾死無恨川聞而殺之頭黨馮寵率其

眾降逃川益怒大掠豫州諸郡逃遣兵擊破之川以浚儀叛降石勒逃攻陳川于蓬關石勒遣石虎將兵五萬

救之戰于浚儀逃兵敗退屯梁國

逃傳云逃設奇擊之季龍大敗收兵掠豫

州按帝紀則是年祖逃及石季龍戰于浚儀王師敗績通鑑從紀也

勒又遣桃豹將兵至

蓬關逃退屯淮南虎徙川部眾五千戶于襄國留豹守

川故城三年逃將韓潛與後趙將桃豹分據陳川故城

豹居西臺潛居東臺豹由南門潛由東門出入相守四

旬逃以布囊盛土如米狀使千餘人運上臺又使人擔

米息于道豹兵逐之弃擔而走豹兵久饑得米以爲逃

士眾豐飽益懼後趙將劉夜堂以驢千頭運糧償豹逃

使韓潛及別將馮鐵邀擊于泚水盡獲之豹宵遁屯東

燕遼使潛進屯封丘以逼之又石勒載記勒與陳午相

攻于達關

永嘉五年事

王彌亦與劉瑞相持甚急午司馬上

黨李頭說勒曰公天生神武當平定四海有與公爭天

下者公不早圖之而返攻我曹流人我曹鄉黨終當奉

戴何遽見逼乎勒心然之破王浚後又云勒將陳午以

浚儀叛于勒

當在建興三年中

其後又云徙陳川部眾五千餘

戶于廣宗

即太興二年事

攷水經注云浚儀縣梁王吹臺晉世

喪亂乞活憑居謂之乞活臺遼將與桃豹分據東西臺

蓋卽此臺乞活卽陳午等也

載記又云石季龍襲乞活然活王于梁城敗績而歸

陳午有司馬李頭陳川又有將李頭未知陳川陳午之

同異也

乞活六帥田甄田蘭祁濟任祉李衡薄盛也陳午則與田甄輩不在六帥之列

尉氏

通典汴州尉氏縣漢舊縣元和志三亭岡在縣西三十

七里秦使諷者王稽使魏夜與范雎言曰我待于三亭

之南卽此岡水經注長明溝水東逕尉氏縣故城南北

爲康溝

沙水與康溝合東逕平陸縣故城北前志陳留無此縣建

武元年以百不滿三千罷爲尉氏縣之陵樹鄉漢建安

中封尙書荀攸爲陵樹鄉侯陳留風俗傳陵樹鄉故平

陸縣也寰宇記蓬池在縣北五里

雍丘

元和志汴州雍丘縣本漢舊縣晉永嘉末

當云太興中

鎮西

將軍祖逖爲豫州刺史理于此寰宇記婦姑城在縣東

十里肥陽城在縣東北二十里城冢記云禹治洪水時

在肥澤之陽所築

荒誕不足徵

按載記石勒引師攻陳午于

肥澤卽此水經注汴水又東逕雍丘縣故城北汧水又

東枝津出焉俗名之爲落架口魏志張邈傳邈從呂布

留弟超將家屬屯雍丘太祖攻圍數月屠之陳思王傳

黃初四年徙封雍丘王六年帝東征過還雍丘幸植宮

襄邑

元和志宋州襄邑縣本漢舊縣水經注陳留風俗傳曰
縣南有渙水故傳曰睢渙之間出文章天子郊廟御服
出焉魏志初平四年袁術走襄邑追到太壽決渠水灌
城通鑑太和四年桓溫伐燕至枋頭戰不利焚舟自陸
道奔還行七百里燕之諸將爭欲追之吳王垂曰不可
溫初退惶恐必嚴設警備簡精銳爲後拒擊之未必得
志不如緩之彼幸吾未至必晝夜疾趨俟其士眾力盡
氣衰然後擊之無不克矣乃帥八千騎徐行躡其後溫
果兼道而進數日垂告諸將曰溫可擊矣乃急追之及
溫于襄邑范陽王德先帥勁騎四千伏于襄邑東關中

與垂次擊温大破之斬首三萬級義熙十二年伐秦沈
林子自汴入河襄邑人董神虎聚眾千餘人來降林子
與神虎共攻倉垣克之神虎擅還襄邑林子殺之

外黃

通典漢外黃縣故城在今汴州雍邱縣東

元和志縣東二十里水

經注汧水逕外黃縣南又東逕莠倉城北續征西記曰
莠倉城去大游墓二十里陳留風俗傳曰縣有大齊亭
有科稟亭通鑑永和十一年姚襄所部多勸襄北還襄
從之攻冠軍將軍高季子外黃會季卒襄進據許昌又
太和四年桓温伐燕燕下邳王厲爲征討大都督帥步

後漢書地理志卷一十一
三
州志一

騎二萬從戰于黃墟厲兵大敗單馬奔還

小黃

通典漢小黃縣故城在今汴州陳留縣東北寰宇記縣東北三十

三里昭靈夫人陵廟在東三十七里水經注濟水東逕小黃縣之故城北

縣有黃亭又謂之曰黃溝縣故陽武之東黃鄉也故水

以名縣晉書齊王冏傳冏輔政封葛旆為牟平公路秀

小黃公衛毅陰平公劉真安鄉公韓泰封丘公號曰五

公委以心膂隋志小黃縣後齊廢入陳留縣

東昏

元和志漢東昏縣故城在汴州陳留縣東北九十里寰

宇記開封府東明縣卽府界東明鎮西南去陳留縣八
十里在東昏城之東皇朝建隆四年置仍以東明爲名
土音改東明水經注濟水又逕東昏縣故城北陽武縣
故云舊名之戶牖鄉矣

濟陽

通典漢濟陽縣故城在今曹州冤胸縣西南漢光武生
于此元和志在縣西南五十里水經注濟陽故武父城也濟瀆自濟
陽縣故城南東逕戎城北

平丘

寰宇記平丘城在開封府陳留縣北九十里水經注縣

有臨濟亭田儋死處又有曲濟亭皆臨側濟水

按彪志黃池亭

一條當在封丘縣下臣瓚以爲外黃有黃溝故劉昭據杜預證之元和志黃池在封丘縣南七里

封丘

通典汴州封丘縣漢舊縣水經注濟瀆又東逕封丘縣

北南燕之延鄉也在春秋爲長丘漢高帝封翟盱爲侯

國

史漢表循簡侯翟盱以十一年七月封功狀云元和循以漢王二年爲燕台又堅守燕侯按循地闕

志又云漢高祖與項羽戰敗于延鄉有翟母者免其難

故以延鄉爲封丘縣以封翟母

寰宇記引爲陳留風俗傳二說互異

魏志初平四年袁術引軍入陳留屯封丘黑山餘賊及

於夫羅等佐之

黑山卽張燕所號之黑山賊在襄國縣於扶羅匈奴也寰宇誤讀因移黑山于

戰大破之術退保封丘

酸棗

舊唐志滑州酸棗縣漢縣

隋志滎陽郡酸棗縣後齊廢開皇六年復

元和志

酸棗故城在縣西南十五里金陽在縣南二十三里水

經注河水東至酸棗縣西濮水東出河水又東北通謂

之延津石勒之襲劉曜途出于此以河冰泮爲神靈之

助號是處爲靈昌津

唐滑州靈昌縣猶襲此名盜賊貪天之力耳

濟瀆東逕

酸棗縣之鳥巢澤昔曹太祖納許攸之策破袁紹運處

濮渠東北逕酸棗縣故城南漢官儀曰舊河隄謁者居

之城西有韓王望氣臺城內有後漢酸棗令劉孟陽碑

碑云君諱熊字孟陽

魏志初平元年起兵討董卓太祖爲卓將徐

榮敗于酸陽還至酸棗諸軍兵十餘萬日置酒高會不

圖進取太祖責讓之因爲謀曰諸君計使渤海

袁紹爲渤海太守

守

引河內之眾

王匡爲河內太守

臨孟津酸棗諸將

張邈劉岱橋瑁袁遺

守成臯據敖倉塞轅轅太谷全制其險使袁將軍

後將軍袁

術在南陽率南陽之軍軍丹析入武關以震三輔皆高壘深

壁勿與戰益爲疑兵示天下形勢以順誅逆可立定也

邈等不能用

長垣

通典滑州匡城縣漢長垣縣故城在今縣南又有漢長

羅縣故城在今縣東北古蒲邑在北界

隋志匡城後齊曰長垣

寰

宇記隋開皇十六年於婦姑城置匡城縣至皇朝爲長垣縣長羅縣城在縣東北四十里水經注濮渠東絕馳道東逕長垣縣故城北圈稱又言長垣縣有羅亭故長羅縣也後漢省并長垣有長羅澤卽吳季英牧豬處有蓬伯玉鄉有蓬亭

已吾

元和志後漢已吾縣故城在宋州甯陵縣西南四十里

寰宇記

水經注谷水東南逕已吾縣故城西陳留風俗

傳曰縣故宋也雜以陳楚之地故梁國甯陵縣之徒種

龍鄉也以成哀之世戶至八九千冠帶之徒求置縣矣

永元十一年陳王削地

本傳坐削西華項新陽三縣

以大棘鄉直陽

鄉十二年自鄆隸之命以嘉名曰巳吾猶有陳楚之俗

寰宇記誤云分巳氏之種于鄉置地形志馬頭郡巳吾

縣治平石城魏志太祖將討董卓起兵於巳吾

世語曰陳留孝

廉高慈只家財資太祖通鑑永嘉五年王彌在青州聞

石勒擒苟晞心惡之以書賀勒曰公獲苟晞而用之何

其神也使晞爲公左

左司馬

彌爲公右天下不足也勒謂

張賓曰王公位重而言卑其圖我必矣賓因勸勒誘而

取之時勒方與乞活陳午相攻彌亦與劉瑞相持甚急
彌請救于勒勒未之許張賓曰公常恐不得王公之便
今天以王公授我陳午小豎不足憂王公人傑當早除
之勒乃引兵擊瑞斬之彌大喜謂勒實親已不復憂也
冬十月勒請彌燕于已吾彌將往長史張嵩諫不聽酒

酣勒手斬彌而并其眾

按前志無已吾縣志不言和帝置殊疏瀾水經注大棘城大

陽之棘鄉也又圈稱又言大棘鄉故安平縣土人敦憇易以統御按漢晉志皆無安平縣或是陳國甯平之訛

唐在甯陵縣

考城

元和志曹州考城縣章帝改菑爲考城葵丘在縣東南

一百步大剗陂

水經注作齊

卽戴陂在縣西南四十五里周

回八十七里水經汭水逕考城縣故城南爲菑獲渠陳

留風俗傳秦之穀縣後遭漢兵起邑多災年故改曰菑

縣章帝東巡

按本紀爲元和二年

詔曰陳留菑縣其名不善高祖

鄙柏人之邑世宗喜聞而顯獲嘉皇靈之顧賜越有光

列考武皇其改菑縣曰考城水經注汭水又東逕黃蒿

塢北續述征記曰堂城至黃蒿二十里汭水又東逕斜

城下續述征記曰黃蒿到斜城五里陳留風俗傳曰考

城縣有斜亭汭水又東逕周塢側續述征記曰斜城東

三里晉義熙中劉公遣周超之自彭城緣汭故溝斬樹

穿道七百餘里以開水路停泊于此故茲塢流稱矣

按此

爲宋武帝西討姚泓時事宋書南史皆不載

晉書劉喬傳喬爲豫州刺史東

海王越以范陽王虓領豫州刺史喬以虓非天子命不

受代發兵拒之劉琨率突騎五千濟河攻喬喬刼琨父

蕃以檻車載之據考城以拒虓眾不敵而潰

晉書此下有收散卒

屯于平氏按傳末復有遣于祐距越于蕭縣之靈壁琨自滎陽率眾迎越遇祐眾潰見殺喬眾遂散與五百騎奔平氏攷通鑑越帥甲士三萬西屯蕭縣喬初拒越不得進後劉琨擊劉祐于譙祐敗死喬奔平氏越乃進屯陽武喬奔平氏非有二事也中間于事爲贅注爾雅木立死曰菑按釋文云菑字林作樞同側吏反此故菑縣本讀同災引爾雅非也又呂氏春秋草鬱則爲菑按呂覽達鬱篇草鬱則爲蕘高誘注蕘穢與此所引異漢隸如謁者景君墓表齊國臨菑之菑皆作蕘或呂覽訛蕘爲蕘也

圍

通典漢圍縣故城在汴州雍丘縣東南

寰宇記縣南五十里

水經

注魯溝水東南逕圍縣故城北縣苦楚難修其干戈以

圍其難

圍同禦管子書以圍爲禦

故曰圍也或曰邊陲之號歷萬人

散

劉昭注作萬人聚

隋志圍城舊曰圍舊唐志貞觀六年濟陽

圍城外黃三縣廢入雍丘

扶溝

元和志許州扶溝縣漢舊縣水經注康溝又東逕扶溝縣之白亭北陳留風俗曰扶溝縣有帛亭名在七鄉十二亭中逕扶溝縣故城東而東南注沙水又過水受沙

水于扶溝縣許慎曰澗水首受淮陽扶溝縣蕩蕩渠過水逕大扶城西城之東北悉諸袁舊墓碑宇傾低羊虎碎折惟司徒滂蜀郡太守騰博平令光碑宇所存惟此按後漢袁氏有三族汝南之袁則司徒安以至紹術陳國之袁則自三老良以至司徒滂魏郎中令袁渙是也唐書世系表混兩望爲一姓矣

東郡

魏志建安十七年以東郡之衛國頓丘東武陽發干益魏郡黃初二年置陽平郡陽平樂平發干東武陽皆屬

晉志又按晉志無東郡有濮陽國州郡志晉武帝咸甯二

年封子允以東不可爲國東郡有濮陽縣故曰濮陽國
允改封淮南還曰東郡趙王倫篡位廢太孫臧爲濮陽
王王尋廢郡名遂不改地形志晉改東郡爲濮陽後復
通典等書言晉分東郡置者非
寰宇記宋武帝平河南仍置東郡又魏志黃初七年徙
封壽春王彪爲白馬王據王凌傳彪後徙封楚王仍都
白馬

濮陽

通典濮州濮陽縣漢舊縣水經注濮陽縣北十里卽瓠
河口也瓠瀆又東南逕清丘北京相璠曰在今東郡濮
陽縣東南三十里魏東都尉治東下應脫部字按濮陽
未割入魏郡東部都尉

治應在陽平郡魏志常林嘗爲之魏志興平元年張邈與陳宮叛逆呂布郡縣皆應荀彧程昱保鄆城范東阿二縣固守太祖乃引軍還布到攻鄆城不能下西屯濮陽太祖曰布一日得一州不能據東平斷亢父泰山之道乘險邀我而乃屯濮陽吾知其無能爲也遂進軍攻之布出兵戰先以騎犯青州兵青州兵奔太祖陣亂馳突火出墜馬燒左手掌司馬樓異扶太祖上馬遂引去石勒載記勒使其將葛薄寇濮陽陷之害太守韓宏

燕

元和志滑州胙城縣漢爲南燕縣其後慕容德都之後

號東燕開皇十八年文帝因覽奏狀見東燕縣名曰今

天下一家何東燕之有遂改爲胙城又靈昌縣本南燕

縣地開皇十六年分東燕酸棗二縣置

寰宇記後唐水改爲靈河

經注河水逕東燕縣故城北于是有棘津之名亦謂之

石濟津宋元嘉中遣輔國將軍蕭斌率甯朔將軍王玄

謨北入宣威將軍垣護之以水軍守石濟卽此處

按宋書垣

護之傳云石濟在滑臺西南百二十里勒載記勒使支
雄孔葵等從文石津縛筏滑渡勒引其眾自酸棗向棘
棘津胡三省曰文石津在東燕之東北河水又東右逕滑臺城北城有三

重中小城謂之滑臺舊傳滑臺人自修築此城因以名

焉城卽故鄭廩延邑下有延津令時人謂此津爲延壽

津載記石勒濟自
延津南擊兗州宋元嘉中右將軍到彥之留建威將

軍朱修之守此城魏軍南伐修之執節不下其母悲哀

一旦乳汁驚出母乃號踊告家人曰我年老非有乳時

今忽知此吾兒必沒矣修之絕援果以其日陷沒王應麟曰

宋河南四鎮司州金墉
虎牢兗州礪礪滑臺晉書謝玄傳進伐冀州遣龍驤

將軍劉牢之濟北太守丁匡據礪礪濟陽太守郭滿據

滑臺通鑑太元十三年翟遼徙屯滑臺十七年燕滅翟

釗以章武王宙爲兗豫二州刺史鎮滑臺隆安元年慕

容麟至鄴復稱趙王說范陽王德曰魏旣克中山將乘

勝攻鄴鄴中雖有蓄積然城大難固且人心惶懼不可

守也不如南趣滑臺阻河以待魏伺釁而動河北庶可復也時魯陽王和鎮滑臺亦遣使迎德二年自鄴帥戶四萬南徙滑臺三年符廣自稱秦王擊南燕北地王鍾破之是時滑臺孤弱土無十城眾不過一萬德乃留魯陽王和守滑臺自帥眾討廣斬之燕王寶之至黎陽也魯陽王和長史李辯勸和納之和不從辯懼故潛引晉軍至管城欲因德出戰而作亂既而德不出及德討符廣辨復勸和反和不從辨乃殺和以滑臺降魏南燕右衛將軍慕容雲斬李辯帥將士家屬二萬餘口出滑臺赴德德欲攻滑臺韓範曰嚮也魏爲客吾爲主人今也

吾爲客魏爲主人人心危懼不可復戰不如先據一方
自立基本乃圖進取張華曰彭城楚之舊都可攻而據
之尚書潘聰曰滑臺四通北達之城北有魏南有晉西
有秦居之未嘗一日安也彭城土曠人稀平夷無險且
晉之舊鎮未易可取又密邇江淮夏秋多水青州沃野
二千里精兵十餘萬廣固城曹疑所築地形阻峻足爲
帝王之都此陛下之關中河內也

據後來諸史志兩漢皆爲南燕縣未嘗去

南字彪志脫南字蓋傳本偶脫校人不知訂正後遂相

沿胡三省通鑑注云兩漢志東郡有燕縣則在宋時已

然而胡所見班志并脫南字又按魏收云東燕晉屬濮

陽今晉志無此縣通鑑永嘉二年王堪屯東燕拒石勒

胡三省謂晉省是縣竊疑胡氏亦據今本然晉志實脫

是縣非省也晉永嘉後東燕又嘗置郡毛寶傳桓溫伐

慕容暉使毛穆之監鑿鉅野百餘里引汶會于濟川及
温焚舟步歸使穆之督東燕四郡軍事領東燕太守據
此則晉改南燕爲東燕元和志
言慕容德時爲東燕亦非也

白馬

通典滑州白馬縣漢舊縣黎陽津一名白馬津酈生云
守白馬之津是也

寰宇記古白馬城在澶州衛南縣西二十里

元和志滑州

韋城縣隋開皇六年分白馬縣南境置水經注白馬濟
津之東南有白馬城衛文公東徙渡河都之故濟取名
袁紹遣顏良攻東郡太守劉延于白馬關羽爲曹公斬
良以報効卽此白馬故瀆東北逕白馬縣之涼城北

地形

志東郡有涼城縣

開山圖曰白馬山下常有白馬羣行悲鳴則

河決馳走則山崩魏志建安五年解白馬圍徙其民循河而西袁紹渡河追公軍至延津南公勒兵駐營南阪下使登壘望之曰可五六百騎有頃復白騎稍多步兵不可勝數公曰勿復白乃令騎解鞍放馬是時白馬輜重就道諸將以爲敵騎多不如還保營荀攸曰此所以餌敵如何去之紹騎將文醜與劉備將五千騎前後至諸將復白可上馬有頃騎至稍多或分趣輜重公曰可矣遂縱兵擊大破之斬醜石勒載記勒潛自石橋濟河攻陷白馬坑男女三千餘口通鑑永嘉二年王彌石勒寇鄴和郁棄城走詔豫州刺史裴憲屯白馬以拒彌車

騎將軍王堪屯東燕以拒勒又升平二年燕主雋使司
空陽鶩討高昌於東燕樂安王臧討李厯于濮陽高昌
不能拒燕自白馬奔滎陽

頓丘

通典魏州頓丘縣漢舊縣在今縣北陰安城是

元和志

年田承嗣奏

置澶州縣屬州郡志魏屬陽平郡水經注河水東北逕

伍子胥廟南祠在廟北岸頓丘郡界臨側長河又東北
爲長壽津述征記涼城到長壽津六十里河之故瀆出
焉石勒載記劉演遣其將韓宏潘良襲頓丘斬勒所署
太守邵攀又石季龍濟自長壽津寇梁國害內史苟闕

東阿

元和志邾州東阿縣本漢舊縣故城在縣西二十里項羽墓在縣東二十七里水經注魏封曹植爲王國濟水北逕魚山東左合馬頰水魚山卽吾山也山上有柳舒城魏東阿王曹子建每登之有終焉之志及其終葬山西西去東阿城四十里魏志程昱傳兗州反惟甄城范東阿三城不動昱說范令靳允曰曹使君智略不世出殆天所授君必固范我守東阿則田單之功可立允流涕曰不敢有二心昱又遣別騎絕倉亭津陳宮至不得渡昱至東阿令聚祇率厲吏民拒城堅守及兗州從事

薛悌與昱協謀卒完三城以待太祖通鑑太元十一年
初燕太子洗馬溫祥來奔以爲濟北太守屯東阿燕主
垂遣范陽王德高陽王隆攻之詳遣從弟攀守河南岸
子楷守礪礪以拒之十二年燕主垂觀兵河上隆曰溫
詳之徒皆白面儒生烏合爲羣徒恃長河以自固若大
軍濟河必望旗震壞不待戰也垂從之遣鎮北蘭汗護
軍平幼于礪礪西十里濟河隆以大軍陳于北岸溫攀
溫楷果走趣城平幼追擊大破之詳夜將妻子奔彭城
眾降于燕

東武陽

舊唐志魏州朝城縣隋武陽縣天寶七年更名

地形志始去東

字通典漢東武陽故城在今魏州莘縣南水經注河水東北逕委粟津大河之北卽東武陽縣左會浮水故瀆又曹操爲東郡所治引滌水自東門石竇北注于堂池之南故基尙存城內有一石甚大城西門名冰井門門內曲中冰井猶存門外有故臺號武陽臺匝臺亦有雉隅遺迹臧洪爲太守亦治此袁紹圍郭尙存通鑑初平三年操軍頓丘于毒等攻東武陽操引兵西入山攻毒等本屯諸將皆請救武陽操曰使賊聞我西而還武陽自解也不還我能敗其本屯虜不能拔武陽必矣遂行

毒聞之奔武陽還石勒載記支雄遂明擊甯黑于東武陽陷之黑赴河而死通鑑升平二年泰山太守諸葛攸攻燕東郡入武陽據地形志晉改東郡爲濮陽後復而不言所復之時以通鑑考之則燕已有東郡也又晉志東武陽改屬陽平郡諸葛攸入武陽則武陽又屬東郡

范

通典濮州范縣漢舊縣水經注河水于范縣東北流爲倉亭津述征記曰倉亭津在范縣界去東阿六十里魏志程昱爲東平相屯范建安六年揚兵河上擊袁紹倉亭軍破之通鑑永和六年張賀度段勤劉國斬豚會于呂城將攻鄴魏主閔自將擊之戰于倉亭賀度等大敗

臨邑

通典漢臨邑縣故城在今濟州盧縣東卽馬防地也

天寶

十三年濟州
廢入鄆州

水經注河水東北逕臨邑縣與將渠合又

東北流逕四瀆津津西側岸臨河有四瀆祠東對四瀆

口河水東引濟漿口門石水斷不通始自是出自河入

濟自濟入淮自淮達江水逕周通故有四瀆之名濟水

有石門以石爲之故濟水之門也今濟北盧縣故城西

南六十里有故石門去水三百步蓋水瀆流移故側岸

也前燕載記泰山太守諸葛攸率水陸二萬討雋入自

石門屯于河渚攸部將匡超進據礪敬蕭館屯于新柵

又遣督護徐罔率水軍三千泛舟上下爲東西聲勢

遣慕容評傅顏等統步騎五萬戰于東阿王師敗績

按此

石門非滎陽石門當是在臨邑者也

博平

舊唐志博州博平縣漢縣

通典故城在今縣東界地

元

和志故攝城在縣西南二十里水經注漯水逕博平故

城南右與黃溝同注川澤又東北逕攝城北攝城東西

三里南北二里東西隅有金城城卑下墟郭尙存

聊城

舊唐志博州聊城縣漢縣元和志四口故闕在縣東南

八十里

寰宇記卽酈道
元所云四瀆津

地形志魏置太平鎮有王城有

畔城水經注漯水北逕聊城縣故城西王城魏太常七

年安平王鎮平原所築

晉志聊城
屬平原

世謂之王城通鑑太

元十一年燕寺人吳深據清河反燕主垂攻吳深壘拔

之深單馬走垂進屯聊城之逢關陂又義熙十三年太

尉裕將水軍自淮泗入清河將沂河西上魏遣振威將

軍娥青冀州刺史阿薄干將步騎十萬屯河北岸裕遣

白直隊主丁旡帥仗士七百人車百乘渡北岸爲卻月

陣兩端抱河車置七仗士事畢豎一白旄先命甯朔將

軍朱超石戒嚴白旄旣舉超石帥二千人馳往赴之齎

大弩百張一車益二十人設彭排于轅上魏人四面內薄攻營超石別齋大鎚及稍干餘張乃斷稍長三四尺以鎚鎚之一稍輒洞貫三四人魏兵不能當一時奔潰臨陣斬阿薄干魏人退還畔城。宋書劉懷慎傳作半城應悞彪云聊城有聶威錢大昭曰威當是城字之訛

發干

元和志博州堂邑縣本漢樂平發干二縣地寰宇記漢發干縣故城在堂邑縣西南魏志初平三年公孫瓚使劉備屯高唐單經屯平原陶謙屯發干以逼袁紹太祖與紹會擊破之

樂平

元和志漢樂平縣故城在博州堂邑縣東三十里通鑑
永嘉元年荀晞追擊汲桑破其八壘桑與石勒收餘眾
將奔漢冀州刺史譙國丁紹邀之于赤橋又破之桑奔
馬牧勒奔樂平按勒與汲桑起兵本在馬牧此奔樂平則與荏平不遠其後就烏桓伏利度乃爲并州之樂平郡胡三省據載記事相連以爲此卽并州樂平非也

陽平

舊唐志魏州莘縣漢陽平縣地又博州武水縣漢陽平

縣地隋改陽平爲清邑又分清邑置武水縣

隋志莘縣舊曰陽平

八年改清邑大業初又改名莘

元和志莘亭在縣北十三里縣因亭爲

名魏志建安八年東平呂曠呂詳叛袁尙屯陽平率其眾降封爲列侯

衛國

元和志澶州觀城縣漢觀縣後漢爲衛國縣隋開皇六

年改

隋志觀城舊曰衛國

又臨黃縣亦衛縣地後魏孝文帝分衛

縣置以北臨黃溝爲名

按地形志臨黃縣眞君三年併衛國太和十九年復則魏初已

有臨黃疑本燕所置

水經注河水東逕鐵丘南河之北岸有故城

戚邑也西岸有竿城又東北逕衛國縣南東爲郭口津

通鑑隆安二年甯朔將軍鄧啓方

晉紀無方字載記與此同

等將兵

二萬擊南燕戰于管城啓方等兵敗單騎走免胡三省

以爲滎陽京縣之管城按滎陽爲晉地慕容德是時保
滑臺不得逆戰于彼地也當是衛之竿城字相涉而誤
前志觀作邯觀按酈元魏取稱漢觀縣皆無邯字疑前
志爲誤田又彪志云觀國姚姓按國語注觀爲縣太康
二年所封則非也姓又京漢碑本以尚公國三字爲縣今
只從後來所稱又按晉志衛國屬頓丘郡而魏志樂進
傳云陽平衛國人則魏世析屬陽平郡

穀城

通典漢穀城縣故城在濟州東阿縣東按前志無此縣

臨邑縣莽曰穀城亭疑後漢分臨邑置晉志穀城屬濟

北國州郡志濟北郡穀城縣前漢無後漢屬東郡

地形志東

濟北郡穀城縣後漢屬東郡水經注濟水側岸有尹卯壘南去魚山

四十餘里是穀城縣界魏土地記曰縣有穀城山山出
文石通鑑永初三年魏主遣中領軍娥青等將兵七千
人會周幾叔孫建南渡河軍于礪礪兗州刺史徐琰奔
尹卯南走於是泰山高平金鄉等郡皆没于魏景平元
年檀道濟分遣王仲德向尹卯道濟停軍湖陸仲德未
至尹卯聞魏兵已遠還就道濟才雍遂留鎮尹卯才達弟子
自秦入魏魏以爲青州刺史招集譙梁沛彭民五千餘家置二十七
營以領之

東平國

魏志東平仍爲國

無鹽

通典漢無鹽縣故城在今鄆州須昌縣東

東字記縣東三十里元

和志鄆州東平縣古宿國兩漢爲無鹽地後齊于此置

須昌縣隋別置須昌改須昌爲宿城貞元三年改爲東

平

舊唐志太和四年改爲天平縣六年廢入須昌

水經注汶水自桃鄉四分當

其派別之處謂之四汶口其左二水雙流西南至無鹽

縣之郕鄉城南又西合爲一水西南入茂都淀淀水西

南出謂之巨野溝西南逕致密城北注洪瀆次一汶西

逕郕亭北西至壽張城東瀦爲澤渚初平三年曹公擊

黃巾于壽張東鮑信戰死于此其右一汶西流逕無鹽

縣壽張須昌西流入濟通鑑永嘉元年頓丘太守魏植
爲流所逼眾五六萬人大掠兗州晞出屯無鹽以討以
弟純領青州晞討植破之

東平陸

舊唐志鄆州中都縣漢平陸縣本置殷密城

彪志作致密城水經

注引之亦是致密此與元和志俱作殷密

在今治西三十九里天寶元年改

爲中都移于今治元和志齊高帝改平陸爲樂平縣隋

復改樂平爲平陸縣

隋志平樂後齊曰樂平開皇十六年改

水經注洪水

上承鉅野薛訓渚又北逕闕鄉城西又北與濟瀆合自
渚迄于北口百二十里名曰洪水桓温以太和四年率

眾北入掘渠通濟至義熙十三年劉武帝西入長安又
廣其功自洪口以上又謂之桓公瀆濟自是北注也元和
志又作桓水在晉書桓溫傳伐慕容暉進次金鄉時元
縣西八十里旱水道不通乃鑿鉅野三百餘里以通舟運自清水入
河宋書王懿傳仲德率龍驤將軍朱牧甯遠將軍竺靈
秀嚴綱等開鉅野入河是也

富成

地形志東平國富成縣有左丘明冢按元和志鄆州平
陰縣本漢肥成縣地左丘明墓在縣東南五十五里據
此則平陰縣亦富成縣地也水經注沁水出肥城縣東

白原逕肥成縣故城南又西南逕富成縣故城西注于

汶

章

水經注章縣故城在無鹽縣東北五十里地形志無鹽縣有南章北章城是章縣省入無鹽也

壽張

元和志邳州壽張縣本漢舊縣梁山在縣南三十五里漢書梁孝王北獵梁山又鄆城縣漢及魏晉皆爲壽張縣地開皇四年改爲萬安縣十六年于此置鄆城縣水經注濟水又北汶水注之戴延之所謂清口也

按此卽郟超所

謂清水入河無通運理

濟水又北逕梁山東袁宏北征賦曰背梁

山截汶波卽此處也濟水西有安民亭亭北對安民山

東臨濟水水東卽無鹽縣界也通鑑建安六年曹操就

穀于安民亭魏志李典傳遷離狐太守袁紹破以典爲

裨將軍屯安民又鮑勛傳注魏書曰太祖以賊恃勝而

驕欲設奇兵挑擊之于壽張先與信共行戰地後步軍

未至而卒與賊遇遂接戰信殊死戰以救太祖太祖僅

得潰圍出信遂沒

宋書桓護之傳率三千人隨張永攻碭礮先據委粟津虜杜道雋與僞尙

書伏連來援礮礮護之拒之蕭思話遣護之迎軍至梁山僞尙書韓元興率精騎至護之依險拒戰斬其都軍

長史甲首數十人虜乃退卽此壽張縣之梁山

按前志壽良屬東郡此當云故

屬東郡有堂聚彪志誤置有堂聚于上而故下復衍聚
字昭注狗城按前志作胸城水經注濟水又北逕須胸城西通鑑元嘉二十七年蕭
斌使申坦垣護之據清口

須昌

元和志鄆州須昌縣本漢舊縣此前須昌在今縣東南

三十二里須昌故城也隋改須昌爲宿城縣更立須昌

縣于今理隋志宿城縣後齊曰須昌清水石橋在縣西三里隋仁壽

元年造石作華巧與趙州石橋相埒長四千五百尺寰宇

記作四百五十尺當可從又陽穀縣本漢須昌縣地隋于此置陽穀

縣取東阿縣界陽穀亭爲名屬濟州天寶十三年濟州

爲河所陷沒以縣屬鄆州水經注汶水又西南長直溝
水注之水出須昌城東北穀陽山南逕須昌城東又南
漆溝水注焉魏志于禁傳別將破高雅于須昌

甯陽

通典兗州龔邱縣漢曰甯陽元和志高齊文宣帝移置
平原縣于漢甯陽城北十七里隋以與德州平原縣同
名以縣東南二十里有龔邱城遂改爲龔邱

隋志龔邱
後齊曰平

原開皇十
六年改

任城國

魏志任城仍爲國

任城

元和志兗州任城縣本漢縣魏志初平四年下邳闕宣

聚眾數千人自稱天子徐州牧陶謙與其舉兵取泰山

華費略任城

寰宇記桓公溝源出縣理西四十里萌山下通鑑大明元年是羣盜聚任城荆榛

中原累世爲患謂之任榛徐州刺史申坦討之任榛聞之皆逃散時天旱人馬渴乏無功而還

亢父

通典漢亢父縣故城在今兗州任城縣南

寰宇記在縣南五十里

樊

通典漢樊縣故城在兗州瑕邱縣西南

泰山郡

蜀志糜竺傳曹公表竺領嬴郡太守注曹公集載公表曰泰山郡界廣遠舊多輕悍權時之宜可分五縣爲嬴郡又按前志泰山郡東平陽寰宇記後漢省魏復立晉武帝泰始中爲改新泰晉志新泰故曰平陽

羊祜傳詔以泰山之

南武陽年南城梁父平陽五縣爲南城郡封南城侯

又前志有華縣魏志臧霸傳

云泰山華人則縣于漢季復置

又以太祖紀證之則漢季有華縣

奉高

隋志魯郡博城縣有奉高縣開皇六年改曰岱山大業初廢入博城寰宇記廢岱山縣在兗州乾封縣東南四十里

按地形志泰山郡有奉高縣此即漢縣隋所併入博城者是也魏志呂虔傳太祖

以虔領太山太守郡接山海世亂民人多藏竄袁紹所置中郎將郭祖公孫犢等數十輩保山爲寇百姓苦之虔將家兵到郡開恩信祖等黨屬皆降服諸山中亡匿者盡出安土業簡其强者補戰士泰山由是遂有精兵石勒載記遣石季龍統精卒四萬討泰山太守徐龕龕堅守不戰於是築室返耕列長圍以守之攻陷之送龕襄國勒龕盛于百尺樓自上擗殺之

水經注奉高縣泰山郡注在汶西南

逕奉高縣故城西西南流注于汶汶水又南右合北汶水

博

元和志兗州乾封縣本齊之博邑漢武帝封禪分嬴博

二縣立奉高縣後魏改博縣爲博平開皇十七年改博平爲博城縣高宗封岳長安元年改爲乾封地形志秦縣二漢曰博後改水經注龜山在博縣北十五里山北隋志博城舊曰博卽龜陰之田

梁甫

通典漢梁父縣故城在兗州泗水縣北寰宇記廢梁父縣在乾封縣東南五十九里隋開皇二年移梁父縣于此唐廢水經注淄水逕梁父縣故城南縣北有梁父山開山圖曰泰山在左亢父在右亢父知生梁父主死南燕載記兗州刺史慕容法反超遣慕容疑韓範攻梁父疑謀殺範將襲廣固範知而攻之疑奔梁父範攻克之

鉅平

地形志泰山鉅平縣有祝丘防城按其縣當亦併入泗水曲阜也水經注溜水西逕陽關城南西流注于汶水汶水南逕鉅平縣故城東有魯道汶上夾水有文姜臺晉書蔡豹傳泰山太守徐龕叛豹進據卞城當卽魯國記又訛而卞縣欲以逼龕時石季龍屯鉅平將攻豹豹夜遁爲譙城退守下邳

嬴

舊唐志兗州萊蕪縣魏于古城置嬴縣地形志泰山嬴縣有馬耳山祠汶水出按水經汶水出泰山萊蕪縣原

山注云汶水又西南逕羸縣故城南元和志汶水源出
乾封縣東北原山西南流逕縣理西南去縣三里又有
北汶羸汶柴汶牟汶述征記曰泰山郡水皆名汶今縣
界凡有五汶皆源別流同按此則漢羸縣亦併入乾封
縣也

山茌

通典齊州豐齊縣漢山茌縣

元和志寰宇記皆據前志說本脫去山字

舊唐

志元和十五年以戶口凋殘併入長清縣地形志太原
郡山茌縣二漢晉屬泰山今彪志于茌上脫山字按上
羸縣云有鐵山山字誤連則本作山茌惟前志無山字

疑亦混在盧縣注也

胡三省通鑑注前漢在縣後漢改曰山在胡氏不能正前志之訛然

益明此志本爲山在

魏志景初元年山在縣言黃龍見州郡志云

永初郡國有山在無單作在者今據之爲訂正通鑑升平二年燕泰山太守賈堅屯山在荀羨引兵擊之堅所將纔七百餘人羨兵十倍于堅堅將出戰諸將皆曰眾少不如固守堅曰固守亦不能免不如戰也遂出戰身先士卒殺羨兵千餘人復還如城羨進攻之堅歎曰自結髮志立功名而每值窮阨豈非命乎與其屈節而生不若守節而死謂將士曰今當爲卿曹決鬪若勢不能支卿等可趣去勿復顧我也乃開門直出羨兵四集堅

立馬橋上左右射之皆應弦而倒羨兵眾多從塹下斫橋堅人馬俱陷生擒之遂拔山荏

萊蕪

通典漢萊蕪縣故城在今淄州淄川縣東南

元和志縣東南六十

里

彪志淄水刊本誤爲潘水按淄水有二水經注汶水

又南左會淄水水出泰山梁父縣東

全祖望曰此淄水杜預所云入汶水

者也鄭樵誤以爲萊蕪之淄

又淄水出萊蕪縣西南山下世謂之原

泉東北流逕萊蕪谷從征記曰萊蕪縣城在萊蕪谷當路阻絕兩山間道由南北門則此淄水也

蓋

寰宇記漢蓋縣城在沂州沂水縣西北八十里隋開皇十六年于此置東安縣屬莒州後廢入沂水縣水經注沂水有二源南源所導世謂之柞泉北水所發俗謂之魚窮泉俱東南流合成一川按酈氏此篇亦有三小沂水說文沂水出東海費縣西入泗即前志之治水也酈氏謂東南流于沂者是其一也其泗水篇又有沂水出魯城東南尼山注于泗毛晃謂曾點浴乎沂非禹貢之沂水也

南武陽

通典漢南武陽縣故城在今沂州費縣西地形志始去南字隋志琅邪顓臾縣舊曰南武陽

南城

元和志南城縣故城在沂州費縣南九十里按晉志作南武城當從晉志史記仲尼弟子列傳曾參南武城人蓋與清河之東武城相對杜預襄十九年注亦云南武城劉昭引之亦脫武字然晉書羊皇后羊祐傳俱云泰山南城人漢孔宙碑陰故吏泰山南城禹規知當時刀筆皆省文爲南城

費

舊唐志沂州費縣漢縣地形志瑯邪郡費縣有費城寰宇記宋自費縣移理祊城卽鄭與魯易之祊後魏太和二十年

又自初城移費理于城北四十里陽口山隋開皇三年復自陽口移入祊城今縣理是也魏志興平元年太祖父嵩避難琅琊爲陶謙所殺注吳書曰太祖迎嵩輜重百餘兩陶謙遣都尉張闔將騎二百衛送闔于泰山華費間殺嵩取財物因奔淮南太祖歸咎于陶謙故伐之

牟

地形志泰山牟縣有萊蕪城隋志魯郡嬴縣開皇十六年分置牟城縣大業初併入明史志泰安州萊蕪縣東有廢牟縣水經注汶出牟縣故城西南阜下俗謂之胡盧堆牟縣故城在東北古牟國俗謂是水爲牟汶

濟北國

盧

通典濟州盧縣漢舊縣又長清縣漢盧縣地春秋時齊

石窳邑今郡理盧縣

言濟州

卽古橋礪城後魏書太常八

年於此立濟州中城其外城正光中刺刁宣所築後周

武帝築第二城卽礪礪古城元和志按濟州理礪礪城

本在平縣其城西臨黃河晉末爲河水所毀移理河北

博州界

志云事具博州而博州無其事則卷中所存者亦有散失

礪礪津在縣北一

里後魏于此置關劉公橋架濟水在縣東二十七里宋

武帝伐燕過此造橋故俗呼爲劉公橋

按水經注礪礪在在平縣詳見

平水經注濟水右遙邊爲湄湖方四十餘里東北逕垣

苗城西故洛當城宋武西征長安令垣苗鎮此

按通鑑宋武時

爲濟南太守子

護之宋書有傳濟水東北與湄溝合水上承湄湖又逕

什城北城際水湄祝阿人孫什將家居之又東北與中

川水合出山在縣之分水嶺溪一源兩分泉流半半水

出山在縣西北流逕東太原郡

地形志蓋

南郡治山爐

固北與賓溪水合水出南格馬山賓溪谷北逕盧縣故

城北陳敦戍南西北流與中川水合謂之格馬口

按地形志

劉義隆置太原郡太原縣有摩溝垣城摩溝卽湄溝垣城卽垣苗城也

宋書垣護之傳王

玄諲攻滑臺

元嘉十七年

護之百舸爲前鋒進據石濟玄諲

敗退不暇報護之護之聞知而虜已悉牽去玄謀大水
軍體連以鐵鎖三重斷河欲以絕護之路河水流之迅
急護之中流而下每至鐵鎖處則以長柯斧斷之虜不
能禁惟失一舸留戍靡溝城

彪志云長城至東海按水經注長城東至海西至濟

二字誤倒

蛇丘

地形志東濟北郡有蛇丘縣隋志無其地當在兗州龔
邱縣西水經注汶水又西泚水注之又西逕蛇丘縣南
縣有鑄鄉城

趙一清曰泚水篇云泚水出東平陽上承汶水又東南流注于泚則泚水所注者泚

水非汶水按此卽荀羨所通之泚水也

肥成

通典漢肥城縣故城在今濟州平陰縣東南

元和志鄆州平陰縣

本漢肥城縣地

故長城首起縣北又有巫山一名孝堂山卽郭

巨葬母之所按前志泰山郡有肥成縣此志謂成本國

無肥字攷地形志肥成前漢屬泰山後漢屬濟北范書

章帝紀元和二年鳳皇集肥城

章懷注云肥成屬泰山郡此從前志所屬其注

例不一類如此

水經注鳳皇集肥成句嶽亭明後漢有肥成縣

矣攷春秋之邾國則前志山陽郡之城都縣水經注京

相璠曰東郡廩丘縣南三十里邾都故城是也而元和

志寰宇記鄆州平陰縣俱云本漢肥城古肥子國則彪

志所謂本國者言本是肥子國其上傳寫者脫一肥字耳劉昭見誤本而誤注此大可嗤也寰宇記云故肥成漢縣後漢省此則

沿劉昭之誤久矣

惟胡三省通鑑注不誤

一百三十二卷

荏平

通典漢荏平縣故城在博州聊城縣東

元和志五十五里

水經

注河自鄧里渠北逕昌鄉亭北又東北逕碣磳城西述征記曰碣磳津名也自黃河泛舟而渡者皆爲津其城臨水西南崩于河魏立濟州治此河水衝其西南隅又崩于河卽故荏平縣石勒載記東瀛公騰執諸胡于山東賈充軍實勒與荏平人師權爲奴權家鄰于馬牧與

牧帥魏郡汲桑往來成都王穎故將公師藩等自稱將
軍起兵趙魏勒與汲桑帥牧人乘苑馬數百騎赴之苟
晞討斬藩勒與桑亡潛苑中桑以勒爲伏夜牙門帥牧
人劫掠郡縣通鑑永嘉六年王彌旣死趙固王桑恐爲
石勒所并欲引兵歸平陽乃自碓礮津西渡永和八年
姚弋仲卒子襄秘不發喪帥眾六萬南攻陽平元城發
千破之屯于碓礮津義熙十三年太尉裕引軍入河以
左將軍向彌爲北青州刺史留戍碓礮本傳向靖小字彌自後宋經略
河南四鎮李元嘉二十七年伐魏沈慶之諫曰我步彼
騎其勢不敵檀道濟再行無功到彥之失利而還今料

王元謨等未踰兩將六軍之盛不過往時

元嘉七年

恐重辱

王師上曰王師再屈別自有由道濟養寇自資彥之中途疾動虜所恃者惟馬今夏水浩汗河道流通汎舟北下碕礮必走滑臺小戍易可覆拔克此二城飽穀弔民虎牢洛陽自然不固比及冬初城守相接虜馬過河卽成擒矣秋七月遣甯朔將軍王元謨帥沈慶之申坦水軍入河受督于青冀二州刺史蕭斌建武司馬申元吉引兵趨碕礮魏濟州刺史王買德弃城走蕭斌與沈慶之留守碕礮使王元謨進圍滑臺九月魏主南救滑臺元謨懼退走魏人追擊之死者萬餘人麾下散去略盡

遁還蕭斌欲固守碯礮慶之曰今青冀虛弱而生守窮
城若虜眾東過清東非國家有也礮高孤絕復作朱修
之滑臺耳元嘉八年事斌乃使王元謨戍碯礮申坦垣護之
據清口自帥諸軍還厯城二十八年江夏王義恭以碯
礮不可守召王元謨還厯城二十九年上聞魏主殂更
謀北伐遣撫軍將軍蕭思話督冀州刺史張永向碯礮
諸軍攻碯礮治三攻道張永等當東道濟南太守申坦
等當西道揚武司馬崔訓等當南道攻之累旬不下拔
魏人自地道潛出燒崔訓營及攻具又燒東圍張永夜
撤圍退軍不告諸將魏人乘之死傷塗地蕭思話自往

增兵力攻不拔命諸軍皆退屯厯城斬崔訓繫張永申
坦于獄上以諸將屢出無功不可專責張永等賜思話
詔曰虜旣乘利方向盛冬脫敢送死兄弟父子自共當
之耳言及憤憤可以示張永申坦又與江夏王義恭書
曰早知諸將輩如此恨不以白刃驅之今者悔何所及

剛

寰宇記漢剛縣廢城在今兗州龔邱縣東北水經注京
相璠曰剛縣西四十里有闡亭又洸水上承汶水于剛
縣西闡亭東西南流逕盛鄉城西京相璠曰剛縣西南
有盛鄉城者也

補肥成通典泰始三年魏征南慕容白曜將攻肥城酈
範曰肥城雖小攻之引日勝之不能益軍勢不勝足以
挫軍威彼見無鹽之破死傷塗地不敢不懼若飛書告
諭縱使不降亦當逃散白曜從之肥城果潰獲粟三十
萬斛白曜謂範曰此行得卿三齊不足定也遂取垣苗
糜溝二戍

山陽郡

晉志云晉初分山陽置高平郡按晉無山陽地形
志晉武帝更名山陽爲高平州郡志同晉志誤

昌邑

通典兗州金鄉縣有漢昌邑縣故城元和志在縣西北

四十二里其中城周十餘里外城周三十餘里中有鐵柱出地數尺水經注荷水又東逕昌邑縣故城北後漢沈州治大城東北有金城城內有沈州刺史河東薛季像碑

東緡

通典兗州金鄉縣漢東緡縣水經注荷水又東逕東緡縣故城北故宋地魏志興平二年呂布復從東緡與陳宮將萬餘人來戰時太祖兵少設伏縱奇兵擊大破之

鉅野

元和志鄆州鉅野縣本漢曹縣鉅野澤在縣東五里南

北三百里東西百餘里水經注濟水故瀆又北右合洪
水水上承鉅野薛訓緒歷澤西北自楮迄于北口百二
十里名曰洪水桓溫以太和四年率眾北入掘渠通濟
至義熙十三年劉武帝西入長安又廣其功自洪口以
上又謂之桓公瀆濟自是北注也魏志興平二年呂布
薛蘭李封屯鉅野太祖攻之布救蘭蘭敗布走遂斬蘭
等通鑑太和四年大司馬桓溫自兗州伐燕郗超曰道
遠汴水又淺恐漕運難通溫不從六月溫至金鄉天旱
水道絕溫使冠軍將軍毛虎生鑿鉅野三百里引汶水
會于清水

高平

諸志無攷其地當在兗州瑕丘縣北地形志高平縣有洸水湖陸城高平山水經注洸水西南逕泰山郡乘丘縣故城東又東南流注于洙洙水南至高平縣南入于泗水西有茅鄉城東去高平三十里又泗水南逕高平山山東西十里南北五里高四里與眾山相連其山最高頂上方平故謂之高平山晉書荀晞傳王彌遣曹嶷破琅邪北攻齊地晞後簡精銳與賊大戰會大風揚塵晞遂敗績部眾皆降嶷晞單騎奔高平收邸閣募得數千人通鑑景平元年魏娥清周幾等徇地至湖陸高平

民屯聚而射之清等盡攻破高平諸縣滅數千家兗州
刺史鄭順之戍湖陸以兵少不敢出宋書劉道憐傳時
北青州刺史劉該反引索虜爲援義熙元年道憐追躡
至光水溝斬劉該虜眾見殺及赴水死略盡

湖陸

寰宇記湖陸縣故城在今單州魚臺縣東南一里水經
注泗水又東逕郗鑿所築城北又東逕湖陵城東南皆
桓溫之北入也范曄擒慕容忠于此城東有度尙碑碑見
隸魏志呂虔傳太祖在兗州聞虔有膽略以爲從事將
家兵守湖陸通鑑太和四年桓溫至金鄉遣建威將軍

檀元攻湖陸拔之獲燕甯東將軍慕容忠元嘉七年兗州刺史竺靈秀奔須昌奔湖陸魏叔孫建攻靈秀于湖陸靈秀大敗死者五千餘人

南平陽

通典兗州鄒縣有漢南平陽縣

地形志始去南字

方輿

元和志兗州魚臺縣本漢方與縣寶應元年改觀魚臺卽武唐亭在縣北十三里水經注荷水東逕重鄉城南左傳臧文仲宿于重館者也

瑕丘

通典兗州瑕丘縣漢舊縣元和志宋元嘉十三年

州郡志三

十年兗州理瑕丘城而瑕丘無縣隋立縣

隋志舊廢開皇十三年復

淮安王神通營在瑕丘故城中武德五年平賊徐圓朗屯兵處水經注洙水南逕瑕丘城東而南入石門古結石爲水門跨于水上北史皮豹子傳宋遣其將殷孝祖修兩當城于清東以逼南境天水公封敕文擊之不克詔豹子與給事中周臣等追擊之宋瑕丘鎮遣步卒五千助戍兩當豹子大破之通鑑太始二年上遣東平畢眾敬詣兗州募人至彭城薛安都以利害說之矯上命以眾敬行兗州事眾敬從之殷孝祖使司馬劉文石守

取上眾敬引兵擊殺之

金鄉

元和志兗州金鄉縣本漢東緡縣後漢于今兗州任城縣西南七十五里置金鄉縣水經注黃水南有金鄉山縣之東界也金鄉數山皆空中穴口戴延之西征記曰焦氏山北數里漢司隸校尉魯峻穿山得白蛇白兔不葬更葬山南鑿而得金故曰金鄉山山形峻峭冢前有石祠石廟四壁皆青石隱起自書契以來忠臣孝子貞婦孔子及弟子七十二人形像像邊皆刻石記之

見隸續

焦氏山東卽金鄉山有冢謂之秦王陵山上二百步得

冢口入行七十步得埏門觀者皆執燭而行或云是漢

昌邑哀王冢

據酈注一爲魯峻冢一爲哀王陵劉昭引

馬彪不言其始

地道記乃合作一事又前志無金鄉縣司

所立亦有脫漏

防東

章懷太子黨錮傳注防東縣故城在今兗州金鄉縣南

按晉志以後無此縣

金鄉補

晉書劉牢之傳苻堅將張遇遣兵擊破金鄉圍泰山太守羊遇牢之遣參軍向欽之擊走之

濟陰郡

按魏志太祖時曾以濟陰之離狐縣置郡

定陶

元和志曹州濟陰縣本漢定陶縣之地開皇六年于此

置濟陰縣

新唐志貞觀元年省定陶縣入

水經注濟水東北逕定陶恭

王陵南墳南魏郡治也世謂之左城亦曰葬城

地形志西兗州

治定陶城後徙治左城

蓋恭王之陵寢濟水又東北逕定陶縣故

城南側城東注魏志興平二年襲定陶濟陰太守吳資保南城未拔會呂布至又擊破之太祖復攻拔定陶分兵平諸縣布東奔劉備

冤胸

元和志曹州冤句縣本漢舊縣水經注北濟自濟陽縣北東逕煮棗城南

成陽

通典濮州雷澤縣漢成陽縣隋志雷澤舊曰成陽開皇

十六年置又分置臨濮縣

元和志臨濮縣大業二年廢武德四年重置清丘在縣西

水經注小成陽在成陽西北半里許實中俗諺以爲因

堯城皇甫士安以爲是堯冢瓠子北有都關縣故城縣

有羊里亭瓠河逕其南爲羊里水黃初中魏封賈逵爲

羊里亭侯卽斯亭俗名之羊子城非也

乘氏

元和志曹州乘氏縣漢舊縣隋末賊帥孟海公所築南

北二城在縣東四十五里通鑑興平二年曹操軍乘氏

以淵謙已死欲遂取徐州還乃定呂布荀彧曰若舍布而東多留兵則不足用少留兵則民皆保城不得樵采布乘虛寇暴民心益危惟鄆城范衛可全餘皆非已有之是無兗州也若徐州不定當安所歸操乃止布復從東縉與陳宮將萬餘人來戰操兵皆出收麥在者不能千人屯營不固屯西有大隄其南樹木幽深操隱兵隄裏出半兵隄外布益進乃令輕兵挑戰既合伏兵乃悉乘隄步騎大破之追至其營而還永初三年魏建義將軍刁雍寇青州州兵擊破之雍收散卒走保大鄉山地形志乘氏縣有大鄉城

句陽

通典漢句陽縣故城在今曹州乘氏縣北

寰宇記縣北三十五里

水經注濮水東逕句陽縣西句瀆出焉濮水杖渠又東北逕句陽縣之小成陽東垂亭西而北入瓠河魏志曹仁傳從征呂布別攻句陽拔之

鄆城

通典濮州鄆城縣漢舊縣陳思王植初封鄆城侯于此

元和志漢獻帝初平三年移兗州理濟陰之鄆城

此就曹操

領牧時言之

水經注河水又逕鄆城縣故城在河南十八里

沅州舊治魏武創業始自于此河上之邑最爲峻固晉

八王起事曰東海王越治鄆城城無故自壞七十餘丈
越惡之移治濮陽河之南岸有新城宋甯朔將軍王元
謨前鋒入河所築魏志程昱傳昱領濟陰太守袁紹在
黎陽將南渡時昱有七百兵守鄆城太祖聞之使人告
昱欲益二千兵昱不肯曰袁紹擁十萬眾自以爲所向
無前今見昱兵少必輕易不來攻若益兵過則不可不
攻攻之必克徒兩損其勢願公無疑太祖從之紹聞昱
兵少果不往太祖謂賈詡曰程昱之膽過于賁育通鑑
永嘉四年石勒濟河拔白馬王彌以三萬眾會之勒襲
鄆城殺兗州刺史袁孚

離狐

通典曹州南華縣漢離狐縣天寶初改

元和志英公李勣左僕射劉晏

皆此縣人寰宇記舊傳初置縣在濮水南常爲神狐所穿穴

遂移濮水北故曰離狐魏志李典傳遷離狐太守時太

祖與袁紹相拒官渡典率宗族部曲輸穀帛供軍

廩丘

通典漢廩丘縣故城在今濮州雷澤縣北水經注瓠河之北卽廩丘縣瓠河又逕陽晉城南史記蘇秦說齊曰過衛陽晉之道逕于亢父之險在廩丘城東南十餘里與都關爲左右也州郡志魏兗州刺史治廩丘石勒載

記北中郎將劉演自鄴奔廩丘勒將支雄攻之爲演所
敗石季龍攻演邵續使文鴛救演季龍退止盧關津避
之文鴛弗能進屯于景亭兗豫豪右張平等起兵救演
季龍夜奔營設伏于外揚聲將歸河北平等以爲信然
入于空營季龍迴擊敗之遂陷廩丘演奔文鴛

單父

通典宋州單父縣漢舊縣又漢西防故城在今縣北

寰宇

記縣北四十里漢平樂城在縣東
四十里城南六十里有呂后村

地形志北濟陰郡治

單父城離狐縣有宓子賤祠平樂城隋志濟陰郡單父
縣後魏曰離狐是北濟陰之離狐卽單父縣水經注黃

溝東逕單父縣故城南又東逕平樂縣右合泡水

成武

通典曹州成武縣漢舊縣水經注黃溝東注大澤蒹葭

萑葦生焉卽世所謂大薺陂陂水東北流逕定陶縣南

又東逕成武縣之楚丘亭北

元和志故稔城在縣西北二十九里通鑑泰始二年

魏尉元遣將先據瑕丘城軍于稔

已氏

通典宋州楚邱縣漢已氏縣水經注豐水上薺陂東逕

貫城北又東逕已氏縣故城北皇覽曰伊尹冢在濟陰

已氏平利鄉

劉昭注本說爲平利

地形志已氏縣有新中城安陽

城寰宇記安陽城在
縣北三十八里

後漢書疏證卷十六

浙江書局刊

孫祖燕校

王拱辰校

高培森校